

【教育部新聞稿】(臺灣台語版) [音檔](#)
教育部臺灣台語認證 114 年第 2 改考試對 4 月 14 開始報名

發布日期：114 年 4 月 14 日

發稿單位：終身教育司

承辦人：甘佩玉

電話/手機：(02)7736-6812

E-mail：celinegan@mail.moe.gov.tw

新聞聯絡人：黃鈺維科長

電話/手機：(02)7736-6801/0920-643-887

咱教育部臺灣台語語言能力認證今(114)年第 1 擺的考試(包含 A、B、C 卷)也都佇 3 月考過矣，聽候 4 月 28 就會公布成績。8 月是第 2 擺的考試，按算 8 月初 2 (拜六)考 A 卷電腦化測驗；8 月初 3 (禮拜)會考 B 卷。8 月這擺考試的報名時間，對 114 年 4 月 14 早起 9 點開始，到 5 月初 9 下晡 5 點。報名的人無限定身份佻年歲，凡若有興趣的，攞會當上網報名。總是，1 个人就干焦會當報 1 卷爾(niâ)，咱欲報名著較斟酌咧，張持袂蝕本。報名費 250 箍，19 歲以下的通優待免祛錢。考試彼工，所有測驗的項目(聽、講、讀、寫 4 項)若考攞有齊著的，阮猶有攢 1 份紀念品欲來相送喔。

若有猶未讀冊的細漢囡仔(6 歲以下)抑是歲頭較濟(65 歲以上)的人欲考 A 卷(書寫測驗猶有用紙筆考)，感覺家己若攞用電腦考試加減會有困難的，嘛通申請特別服務。詳細的說明請看刊佇考試網站(<https://ttg.moe.edu.tw>)頂懸的簡章內容。為著欲予考生適應用電腦考試，教育部嘛有佇考試網站安一个「電腦化測驗線頂模擬平台」(https://ttg.moe.edu.tw/tmt_demo)，才請考生有閒通較捷來試用看覓咧。

教育部對 99 年開始辦認證考試，到今報名總人數都也有 22 萬 1,996 人囉。咱若按今年 3 月報名的資料共看，猶是學生族群報名的人上濟，有 9,039 人，報名率占總額的 5 成較加。向望未來有閣較濟的少年家通相招來學咱在地的本土語，本土語欲生淡有恁鬥相侷的確會有卜面。

相關考試的資訊，已經有刊佇認證考試的網站矣，咱看「最新消息」就查會著。若猶有其他考試相關的問題，才請聯絡承辦單位國立臺灣師範大學。服務專線：0800-699-566、(02)7749-3664；嘛有服務信箱：ttg.sce@deps.ntnu.edu.tw。